



# ЖАҲОН ТУРИЗМ ТАШКИЛОТИ БИЛАН ҲАМКОРЛИКНИ КЕНГАЙТИРИШ МУҲИМЛИГИ ҚАЙД ЭТИЛДИ



Ўзбекистон Республикаси Президенти Шавкат Мирзиёев 7 ноябрь куни Жаҳон туризм ташкилоти (ЮНВТО) бош котиби Зураб Пололикашвилини қабул қилди.

Учрашув кун тартибидан мамлакатимиз ва Бирлашган Миллатлар Ташкилотининг ушбу нуфузли ихтисослашган ҳуқуқматлараро тузилмаси ўртасидаги амалий ҳамкорликни янада кенгайтириш масалалари ўрин олди.

Ўзбекистон 1993 йилдан буён ЮНВТО аъзоси эканини таъкидлаш зарур. Утган даврда тармоқнинг улкан салоҳиятини рўйга чиқариш ва Ўзбекистоннинг туризм брендини халқаро миқёсда илгари суришга қаратилган муҳим ташаббус ва қўшма дастурлар амалга оширилди. Юртимизда Ташкилотнинг Буюк ипак йўли бўйича минтақавий офиси фаолият юритмоқда.

Кейинги йилларда шериклик сезиларли даражада фаоллашди. Бугунги кунда 2023 йилда Самарқанд шаҳрида ЮНВТО Бош Ассамблеясининг 25-сессиясини ўтказишга биргаликда тайёргарлик қўрилмоқда.

Сўхбатда Зураб Пололикашвили Ўзбекистонда замонавий туризм инфратузилмасини ривожлантириш, жумладан, ташқи ва ички туризм кўрсаткичларининг сифатли ўсишига хизмат қиладиган ишбилармонлик ташаббусларини амалга ошириш учун қўлай шароитлар яратишга қаратилган ислохотлар натижаларини юксак баҳолади.

Мамлакатимиз билан ЮНВТО ўртасидаги ҳамкорликни кенгайтириш бўйича "йўл харитаси"ни қабул қилиш, унга Ўзбекистоннинг туризм брендини илгари суриш, самарали ахборот кампанияларини ўтказиш, юқори маънавий кадрларни тайёрлаш, бошқа муҳим лойиҳаларни амалга ошириш чора-тадбирларини киритишга келишиб олинди.

ЎЗА

Ўзбекистон Республикаси Президенти  
Матбуот хизмати сурати.

## ЎЗБЕКИСТОН ПРЕЗИДЕНТИ ТУРКМАНИСТОН ХАЛҚ МАСЛАҲАТИ РАИСИ БИЛАН ТЕЛЕФОН ОРҚАЛИ МУЛОҚОТ ҚИЛДИ

7 ноябрь куни Ўзбекистон Республикаси Президенти Шавкат Мирзиёев ва Туркменистон Миллий Кенгаши Халқ Маслаҳати Раиси Гурбангули Бердимухамедовнинг телефон орқали мулоқоти бўлиб ўтди.

Ўзбекистон билан Туркменистон ўртасидаги дўстлик, яхши қўшничилик ва стратегик шериклик муносабатларини янада ривожлантириш ва кенгайтиришнинг долзарб масалалари кўриб чиқилди.

Сўхбат аввалида давлатимиз раҳбари Туркменистон Президенти Сердар Бердимухамедовга ўзининг самимий саломи ва энг эзгу тилақларини билдирди.

Ўзбекистон Президентининг жорий йил 20-21 октябрь кунлари Туркменистонга амалга оширилган расмий ташрифи давомидидаги олий даражали

учрашув ва тадбирларнинг самарали натижалари юксак баҳоланди.

Эришилган келишувлар ва имзоланган битимларни, шу жумладан, фаол парламентлараро мулоқотлар ва алмашинувларни давом эттириш орқали амалга ошириш муҳимлиги қайд этилди.

Шу ҳафта охирида Самарқандда ўтказиладиган Туркий давлатлар ташкилоти саммитининг кун тартибидидаги масалалар ҳам кўриб чиқилди.

ЎЗА

## Ўзбекистон Республикаси Президентининг ҚАРОРИ

**ЖИСМОНИЙ ТАРБИЯ ВА СПОРТ СОҲАСИДА КАДРЛАРНИ ТАЙЁРЛАШ ҲАМДА ИЛМИЙ ТАДҚИҚОТЛАР ТИЗИМИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА**

Жисмоний тарбия ва спорт соҳасида малакали кадрлар тайёрлаш, таълим жараёнини халқаро стандартларга мослаштириш ва бошқарув тизимини рақамлаштириш, педагогик ва илмий салоҳиятни янада ошириш ҳамда илмий-тадқиқот ишлари сифатини тубдан яхшилаш, илғор хорижий спорт-таълим технологияларининг трансферини амалга ошириш орқали юқори натижаларга эришиш мақсадида:

1. Ўзбекистон давлат жисмоний тарбия ва спорт университети (кейинги

ўринларда — Университет) ҳамда унинг филиалларида:

таълим дастурлари халқаро рейтингда юқори бўлган хорижий олий таълим муассасасининг дастурига кўра шакллантирилсин, жаҳондаги етакчи олий таълим муассасалари билан ҳамкорликда талабаларнинг академик алмашинувини таъминлаш ҳамда таълим олишига кенг шароит яратиш учун бакалаврият таълим йўналишлари ва магистратура мутахассисликлари аккредитациядан ўтказилсин;

▶ Давоми 2-бетда

## ҲУДУДЛАРДА САНОАТНИ РИВОЖЛАНТИРИШ ЧОРАЛАРИ БЕЛГИЛАНДИ

Президент Шавкат Мирзиёев раислигида 7 ноябрь куни маҳаллий саноатни ривожлантириш масалалари бўйича видеоселектор йиғилиши ўтказилди.

Мамлакатимизда тадбиркорликка яратилган шароитлар туфайли ҳудудларда кичик ишлаб чиқариш-лар кўпаймоқда. Одамлар иш билан таъминланиб, бозорбоп маҳсулотлар тайёрланмоқда. Лекин дунёдаги ҳозирги мураккаб вазият, транспорт-логистикадаги узил-лишлар бу тармоққа ҳам таъсир қилапти.

Жорий йилнинг 9 ойида юртимизда саноат 5,3 фоиз ўсган. Лекин 65 та йирик ҳудудий корхонада ишлаб чиқариш камайган. Давлат томонидан маблағ ажратилган бўлса-да, 118 та саноат зонасига ҳалигача инфратузилма олиб борилмаган. Экспортда GSP+ имкониятидан етарлича фойдаланилмапти.

Танқидий руҳда ўтган йиғилишда шу каби камчиликлар, соҳадаги долзарб вазифалар муҳокама қилинди. — Саноат тармоқлари раҳбарлари, ҳокимлар бу қийин шароитда имконият излаши, ички захираларни ишга солиб, таклиф ва ташаббус кўрсатиши керак. Ҳамма масалаларни ўз кучимиз, меҳнатимиз, интилишимиз билан фақат ўзимиз ҳал қиламиз, — деди Шавкат Мирзиёев.

Маъиший техника, гилам, мебель ишлаб чиқарувчиларни кафолатли хомашё билан таъминлаш, кам қувватда ишлаётган корхоналарга кўмаклашиш бўйича кўрсатмалар берилди.

Маълумки, Ўзбекистон ўтган йили Европа Иттифоқининг GSP+ номи кенгайтирилган преференциялар тизимига қабул қилинган эди. Унинг доирасида 6 минг 200 дан ортқ маҳсулот турларини Европа бозорига имтиёзли шартларда экспорт қилиш мумкин. Бунинг учун давлатимиз томонидан транспорт харажатларига 70 фоизгача субсидия ҳам берилмоқда. Лекин тўқимачилик маҳсулотлари экспортининг 6 фоизи, электр техникасининг 3 фоизи, ипак ва озиқ-овқатнинг 1 фоизи Европага сотилаяпти, холос.

Давлатимиз раҳбари маҳаллий корхоналарнинг халқаро сертифицикатлар олиб, ташқи бозорга чиқишига кўмаклашиш зарурлигини таъкидлади. Келгуси йилда

Европага саноат экспорти ҳажмини 700 миллион долларга етказиш имконияти борлиги айтилди.

Маҳаллий саноатнинг энг катта тармоқларидан бири — тўқимачилик. Сўнгги йилларда юртимиз тадбиркорлари бу йўналишни яхши ўзлаштирди. Шунга қарамай, ҳали ҳам четдан олиб келинаётган маҳсулотлар бор.

Шу боис, "Ўзтўқимачиликсаноат" уюшмасига камида 50 хил турдаги янги маҳсулотларни маҳаллийлаштириш бўйича вазифа қўйилди. Бундай лойиҳалар учун тижорат банкларига 100 миллион доллар, гиламчилик учун 50 миллион доллар маблағ жойлаштирилади. Европа давлатлари, Туркия, Миср, Мароккага газлама ва трикотаж мато экспорти учун транспорт харажатларининг 70 фоизи қўллаб берилади.

Умуман, тўқимачилик тармоғини янгича суръатда ривожлантириш, келгуси йилда 5 миллиард долларликдан зиёд экспорт қилиш бўйича дастур қабул қилинади.

Яна бир кенг қамровли йўналиш — қурилиш материаллари ишлаб чиқариш. Бу тармоқда маҳсулот тури ҳам, иш ўринлари ҳам кўп. Шу боис, Президентимиз бундай корхоналарни қўллаб-қувватлашга қаратилган "саноат ипотекаси" дастурини ишлаб чиқиш ташаббусини билдирди. Бунга биринчи босқичда 50 миллион доллар йўналтирилади, кредитлар 7 йиллик, 2 йил имтиёзли давр билан берилади.

Нукус шаҳри, Булқоқшоби, Қоровулбозор, Фориш, Чуст, Пахтаччи, Сарийосиё, Ўзбекистон туманларида қурилиш материаллари индустриал зоналари, Ангрен шаҳрида чинни идишлар ва сантехника буюмлари кластери ташкил этилиши айтилди.

Бу тармоқда экспортни 1 миллиард долларга етказиш мақсад қилиб қўйилди.

Мебелсозлик бугунги кунда халқ хунармандчилиги даражасига кўтарилган. Бухоро, Наманган, Самарқанд, Андижон, Фарғона ва Хоразмда 100 га яқин маҳалла шунга ихтисослашган. Президентимиз хунармандларга

шароитларни кенгайтириш мақсадида бу маҳаллалар атрофида мебель саноати марказлари ташкил қилиш зарурлигини таъкидлади.

Мебелсозлик учун боғхона имтиёзлари муддатини 2024 йил 1 январга қадар узайтириш, бу тармоқдаги лойиҳаларни қўллайтириш бўйича кўрсатмалар берилди.

Заргарликда ҳам имкониятлар жуда кенг. Юртимизнинг ўзида 300 миллион долларлик бозор бор. Бу талабни бемалол маҳаллий заргарлар қондириши мумкин. Шу боис, уларни қўллаб-қувватлаш учун 1 декабрдан бошлаб, қатор енгилликлар белгиланди.

Жумладан, оптин ва кумушга кечитириб тўлаш учун барча банклар ва Экспортни рағбатлантириш агентлиги кафолатлари қабул қилинади. Бу имконият яқка тартибдаги заргарлар учун ҳам берилади. Заргарлик учун зарур хомашёларни вақтинча олиб кириш ва олиб чиқишда лицензия талаби бекор қилинади, қимматбаҳо ва безак тошларни боғхона тўловларидан озод этилади.

Йиғилишда экспортни ошириш масаласига алоҳида эътибор қаратилди.

— Келгуси йилда экспортни қўллаб-қувватлашни кенгайтираемиз. Бундан буён, тармоқларга субсидиялар экспорт ҳажмига қараб бериладиган тизим бўлади. Бугунги йиғилиш натижаси бўйича ҳудудий саноатни ривожлантиришга қўшимча 300 миллион доллар ва 350 миллиард сўм маблағ ажратилади. Қўзланган марраларга эришилса, келгуси йилда қўшимча 2 миллиард доллар экспортни таъминлаш мумкин, — деди Президент.

Умуман, келгуси йилда 8 миллиард долларликдан зиёд ҳудудий саноат маҳсулотларини экспорт қилиш чоралари таҳлил қилинди. Ўзбекистоннинг элчиларига хориждан замонавий технологиялар ва инвестициялар жалб этиш вазифаси қўйилди.

Йиғилишда муҳокама қилинган масалалар юзасидан саноат тармоқлари раҳбарлари, ҳокимлар сўзга чиқди.

ЎЗА

## САМАРҚАНД САММИТИ ОЛДИДАН

# ТУРКИЙ ДАВЛАТЛАР ТАШКИЛОТИ — ЎЗБЕКИСТОН ТАШҚИ СИЁСАТИНИНГ УСТУВОР ЙЎНАЛИШИ

Марказий Осиё ва Яқин Шарқ халқлари қадимдан бир-бири билан ўзаро алоқада бўлиб келган. Илм-фан, маърифат, маданият, маънавий қадриятлар Буюк ипак йўли бўйлаб бутун дунёга тарқалди. Ипак йўлида жойлашган мамлакатларда турли цивилизациялар тўқнашуви натижасида маданият юксалди, илм-фан тараққий топди, савдо-сотик ўсди, жамиятлар ривожланди.

Туркий халқлар яшаб келган минтақалар минг йиллар давомида жаҳонга илм-фан ва маданиятни кенг ёйишдан ташқари, Шарқ ва Ғарб, Шимол ва Жануб ўртасида транспорт ва савдо кўприги вазифасини ҳам бажарган. Мазкур минтақаларда яшаган халқлар ва элатлар доимо бир-бири билан турли соҳаларда алоқалар ўрнатишга, ҳамкорлик қилишга интилиб келган.

Қардош халқлар ўртасидаги яқинлик нафақат муштарак маданият, тил, дин ва

ўхшаш қадриятлар, балки қадимдан савдо алоқалари йўлга қўйилиб, ўзаро ҳамкорлик қилиб келингани билан ҳам боғлиқ. Мустақиллик йилларига келиб, туркий тилли мамлакатларда миллий ўзликини англашга эътибор кучайди, тарихий аъёналар қайта тикланиб, қардош давлатлар билан ўзаро алоқалар фаоллашди.

▶ Давоми 3-бетда







РЕСПУБЛИКА БЮДЖЕТИДАН АЖРАТИЛГАН ҚЎШИМЧА МАБЛАҒЛАР ДИРАСИДА ФУҚАРОЛАР ТОМОНИДАН ИЛГАРИ СУРИЛГАН 110 ТА УМУМТАЪЛИМ МАКТАБИНИ ЖОРИЙ ТАЪМИРЛАШ ВА ЖИҲОЗЛАШ, 113 ТА МАҲАЛЛАДА ИЧКИ ЙЎЛЛАРНИ ТАЪМИРЛАШ, 16 ТА МАКТАБГАЧА ТАЪЛИМ, 49 ТА СОҒЛИҚНИ САҚЛАШ ТАШКИЛОТИНИ ТАЪМИРЛАШ ВА ЖИҲОЗЛАШ КАБИ ЛОЙИХАЛАР ҚЎШИМЧА РАВИШДА МОЛИЯЛАШТИРИЛАДИ.

МУАММОЛАР ЖОЙИДА ҚАЛ ЭТИЛАДИ



Азимжон ҚАСАНОВ, Молия вазирлиги бўлим бошлиғи

Бундан тўрт йил олдин "Очиқ бюджет" ахборот портали ишга тушиши билан фуқароларга наинки бюджет маълумотлари билан танишиб бориш, балки маҳаллалардаги ижтимоий йўналишлар бўйича ўзларини қийнаб келаётган масалаларни ҳал қилиш учун тегишли маблагларни тақсимлашда бевосита иштирок этиш имконияти яратилди.

2019-2020 йиллар давомида ўтказилган "Ташаббусли бюджет" жараёнида фуқаролар томонидан 230 мингга яқин таклиф билдирилиб, овоз бериш натижаларига кўра, 245,1 миллиард сўм жойлардаги муаммоларни ҳал қилиш учун йўналтирилди.

Президентимизнинг "Бюджет жараёнида фуқароларнинг фаол иштирокини таъминлаш бўйича қўшимча чора-тадбирлар тўғрисида"ги қарори эълон қилинди. Унга кўра, 2021 йил 1 июлдан бошлаб жамоатчилик фикри асосида шакллантирилган тадбирларни молиялаштиришга ажратиладиган туман (шаҳар)лар бюджетлари қўшимча маблагларининг энг кам миқдорини 10 фоиздан 30 фоизга ошириш ҳақидаги таклифлар маъқулланди.



Фуқароларнинг бюджетни шакллантириш жараёнида нафақат назорат қилиши, балки уларни сарфлашда қатнашиши учун ҳам имконият яратилди. Мазкур механизмнинг янада самарали ишлашини йўлга қўйиш мақсадида ўтган йил июль ойида Молия вазирлиги янгиланган "Очиқ бюджет" порталини (openbudget.uz) ишга туширди. Унда давлат бюджети, давлат қарзи ҳақида маълумот эълон қилиб келиняпти. "Ташаббусли бюджет" бўлими яратилди.

Бу бўлим орқали фуқаролар инфраструктурани яхшилаш, хиёбонлар, болалар спорт майдончалари, ички йўللари қуриш, мактабларни таъмирлаш ва жиҳозлаш ҳамда бошқа масалалар бўйича лойиҳаларни таклиф этиб, маҳаллий бюджетнинг тақсимлашида иштирок этиши мумкин бўлди.

Ҳаётнинг ўзи "Ташаббусли бюджет" лойиҳасини янада кенгайтиришни кун тартибига қўймоқда. Чунки бу тизим орқали ҳозирги пайтда аҳолининг энг кўра, 1 минг 418 та лойиҳа қолиб деб топилган ва уларни амалга ошириш учун туман ва шаҳар бюджети маблаглари ҳисобидан 1 триллион сўм ажратилиши белгиланган.

Ўшунинг билан бирга, вилоят бюджетлари қўшимча манбаларининг 30 фоизи ҳам энди "Ташаббусли бюджет" жараёнига йўналтирилади. Жойларда фуқароларни қийнаб келаётган долзарб муаммоларнинг ҳал этилиши кўламини кенгайтириш мақсадида 2023 йилдан бошлаб Қорақалпоғистон Республикаси, вилоятлар ва Тошкент шаҳри бюджети қўшимча маблагларининг 30 фоизи ҳам фуқаролар фикри асосида шакллантирилган лойиҳаларни молиялаштиришга ажратилиши белгиланмоқда.

Натижада 2-мавсум учун ажратилган жами маблаг миқдори 1,3 триллион сўмни, унинг доирасида қолиб топилган лойиҳалар сони эса 1 минг 782 тани ташкил этди.

Яна бир янгилик шундаки, энди лойиҳалар маҳаллабй тарзда шакллантирилади. Қарорга кўра, 2023 йилдан бошлаб "Обод қишлоқ" ва "Обод маҳалла" дастурлари доирасида молиялаштириладиган тадбирлар жамоатчилик фикри асосида "Очиқ бюджет" ахборот портали орқали овоз бериш йўли билан аниқланади. Бу жараёнда аҳоли томонидан амалга оширилиши таклиф этилаётган тадбирлар ҳар бир маҳалла бўйича битта лойиҳалар пакети шаклида овозга қўйилади.

Шу мақсадда лойиҳалар пакети учун ажратиладиган маблаглар чекланган миқдорини 8 миллиард сўм этиб белгилаш, дастурларни молиялаштириш учун ҳар йили давлат бюджетидан камида 4 триллион сўм йўналтириш назарда тутилмоқда.



Ҳар бир маҳалла бўйича битта лойиҳалар пакети шаклида овозга қўйилади. Шу мақсадда лойиҳалар пакети учун ажратиладиган маблаглар чекланган миқдорини 8 миллиард сўм этиб белгилаш, дастурларни молиялаштириш учун ҳар йили давлат бюджетидан камида 4 триллион сўм йўналтириш назарда тутилмоқда.

Вазирлар Маҳкамасининг 2022 йил 2 февралдаги "Автомобиль йўллари соҳасида очқиқлик стандартларини жорий этиш ва соҳада жамоатчилик назоратини қучайтириш чора-тадбирлари тўғрисида"ги қарорида жорий йилдан бошлаб туман ва шаҳарлар бюджетлари параметрларида ҳудудий ички йўллари таъмирлаш учун ажратиладиган маблагларнинг 50 фоизи "Очиқ бюджет" ахборот портали орқали жамоатчилик фикри асосида аниқланган ички йўллари таъмирлашга ажратилиши белгиланди.

ИСЛОҲОТЛАР АМАЛДА

ОИЛАВИЙ ТАДБИРКОРЛИК — МУВАФФАҚИЯТ ГАРОВИ

Тадбиркорлик, аввало, инсоннинг онгида одамларга наф келтириш, ёрдам бериш, том маънода оғирини енгил қилиш, пировардида даромад кўриш истаги билан уйғонади. Тадбиркорлик макон ва жой танламайди. Унинг учун кучли иштиёқ, изланиш ва қатъият керак. Муҳими, бу ишни давлат ҳар томонлама қўллаб-қувватлапти.

Самарқанд вилояти Иштихон туманида фаолият юритаётган "Умида нонлари" оилавий корхонаси бундан 8 йил аввал нон пишириб, аҳоли эҳтиёжларини қондиришдан бошлаган. Корхонанинг фаолияти йилдан-йилга кенгайиб борибди. Бугунги кунда унга қарашли нон ва нон маҳсулотлари тайёрлайдиган бир неча цех ишлаб турибди.

Қадимий касбларнинг янгича жилолари

Самарқандда бу фаолият билан шуғулланиш истагидаги одамлар, оилалар, сулолалар кўпайиб бораётгани бежиз эмас. Аслида бугунги кундаги оилавий корхоналар негизи қадимий аъёнларимиз, фарзандлар ота-оналарига кўмаклашишдан бошланган. Гиламдўзлар, ошпазлар, новвойлар, кошинкорлар сулолалари шаклланиши, бир фаолият билан шуғулланувчи кишиларнинг меҳнати туфайли юзга келган маҳаллалар номлари ҳам бунга мисол бўлади.



Масалан, Самарқанд шаҳрида заргарлар, кўнчилар, ошпазлар, Каттакўрғон шаҳрида ҳовачилар, қандолатчилар, Ургутда майизчилар, қуллоллар, Жомбойда тақачилар, темирчилар, Самарқанд туманида кошинкорлар, қадимий қоғоз ишлаб чиқарувчилар, Қўшарботда каштачилар, Нурободда гиламчи ва сангтарошлар, Пайарикда қуроқчилар, Пастдарғомда эгарчилар, Булунғурда бешикчи ва сандикозлар, Нарпайда тикувчилар сулолалари бўлган.

Халқаро тажрибада оилавий бизнеснинг ўрни

Дунё тажрибасида ҳам оилавий тадбиркорлик муҳим ўрин эгаллайди. Масалан, Европада бундай бизнес кенг тарқалган, ҳатто оилавий корхоналарни қўллаб-қувватлаш ва ривожлантириш учун "European Family Businesses" ташкилоти мавжуд. Унинг маълумотларига кўра, Европа давлатлари япши ички маҳсулотининг 50 фоизи оилавий тадбиркорлик ҳиссасига тўғри келади.

250 та энг йирик корхонанинг 40 фоизи оилавий бизнесга тегишли.

Юқори ўсишнинг муҳим омилли

Президентимизнинг 2018 йил 8 июндаги "Ҳар бир оила — тадбиркор" дастурини амалга ошириш тўғрисида"ги қарори ҳам оилавий тадбиркорлик, хунармандлик, касаначилик ва бошқа тадбиркорлик фаолияти турларини кенг омаллаштириш, ҳар бир оиланинг барқарор даромад манбаига эга бўлиши учун шарт-шароитлар яратиш ва ишсизликка барҳам беришни мақсад қилган.

налар 6,5 мингдан ортган бўлса, жорий йилнинг шу даврида 11,1 мингдан ошди. Икки йил аввал вилоятда фаолият юритаётган корхоналар сони 6,2 мингга бўлган бўлса, жорий йилда 10,2 минггача ташкил этмоқда.

Корхоналар фаолиятини ўтган йилнинг шу даври билан соҳалар кесимида таҳлил қиладиган бўлсак, қишлоқ, ўрмон ва баликчилик хўжалиқларида 118,2, саноатда — 124,6, қурилишда — 122,9, савдода — 156,3, ташиш ва саклашда — 107, маиший хизматларда — 123,6, ахборот ва алоқада — 124,3, соғлиқни сақлаш ва ижтимоий хизматлар кўрсатишда — 179,2, бошқа соҳаларда 127,8 фоиз ўсган.

Мулқдорлар синфи шаклланмоқда

Рақамлардан ҳам кўриниб турибдики, вилоятда тадбиркорликка ишонч ортиб, ишбилармонлар сафи кенгайиб бормоқда.

Оқдарёлик Адхам Суёндиқов устози Жамол Эсоновдан ёғоч ўймакорлиги сирларини ўрганиб, яқка тартибда иш олиб борди, хунарини оила аззоларига ўргатди, шогирдлар тайёрлади. Кейинчалик фаолиятини кенгайтириб, оилавий корхона ташкил этди ва 20 та иш ўрни яратди. Корхонада миллийлик ва замонавийлик уйғулланган бир-биридан бежирим йебеллар тайёрланмоқда.

Ўқтам ХУДОЙБЕРДИЕВ, журналист



